

內務府

大清會典

大清會典

內務府

上駟院兼管大臣。

特簡
無定員。

卿二人。

掌

御馬之政令。

○凡供直日陳

御馬四於



景運門外。每日以御馬四匹。齊其毛色。具鞍轡。

直班。

皇帝駐蹕圓明園則陳

御馬六。聖駕駐蹕圓明園。每日以御馬六立大宮門之右。

巡幸具馬駝之數以疏

聞。若遇巡幸。由院奏請於御馬內馬內簡尤良者以從。其隨行騾車及駱駝之數。亦附奏於各廐馬駝內撥用。如不敷數。豫期酌定調用。商都達布遜諾爾達里岡愛馬駝。監

行在芻秣之事。卿一人。侍衛一人。掌御馬侍衛。一人。沿途監視。支放馬駝芻豆。獻

神於

坤寧宮。率侍衛牽馬以陳。四孟月獻神。侍衛牽青白馬二匹陳於

坤寧宮門外。禱馬則陳馬於

堂子以受福。春秋為馬祀。神。陳馬十匹於園殿前。其朝夕祭禱祝之絳帛青帛。分

繫於馬尾。以受福。



皇后

妃

嬪出入供馬騾。

皇子福晉出入亦如之。

皇后妃嬪及皇子福晉出入均於駕車

馬騾廐內供備。皇子未婚者於內廐馬內供備。或婚以後給分例馬十匹如遇南苑木

蘭行圍增給馬八匹。未行圍讀書

皇子平時出入供內廐馬四匹

○凡

賜馬得

旨則供備。

皇子婚禮薦幣以馬駝分封王貝勒貝子。賞給馬駝公主格格下嫁薦幣以

馬生子彌月。賞給馬匹。及皇子初封祀神所用馬俱由掌儀司奏准給與貢

馬別其等以

聞而

賚之。

每年內外蒙古各部落及喇嘛等所進馬駝由欽派試御馬大臣侍衛騎試編為等第

奏聞給賞一等馬每匹賞銀一百三十兩二等一百兩三等五十兩四等三十兩五等二

十兩。六等十兩。一等駝。每隻賞銀六十兩。二等五十兩。三等四十兩。四等三十兩。五等二十兩。六等十五兩。在京大臣侍衛進貢馬匹。願領賞者。照五等馬給賞。又進貢馬匹。有經上錫號者。貢馬人賞內庫緞四疋。

○凡馬供

上乘者曰

御馬。畜以備

御馬之選者曰內馬。凡

御馬內馬。

紫禁城之廐一。

紫禁城內之廐為內廐。御馬內馬無定額。

南苑之廐六。

南苑之廐為外廐。御馬內馬無定額。若仗馬仗馬廐在紫

禁城內。額設仗馬三十匹。附養備祭堂子馬四十匹。備差駑馬二十匹。若花馬

皇子花馬廐在紫禁城內。花馬無定額。附養駑馬五十五匹。備皇子太監騎用。若

車驪驪廐二。一在東華門外。額設黃車驪三十頭。馬六十匹。一在西華門外。額設

內庭車驪六。若小馬。小馬廐在西華門外。額設小馬十四匹。套頭

馬二十匹。紅馬四匹。騾駝四隻。駝駒四隻。駝駒各分廐以

畜馬。餘則為駕馬。駕馬六廐。三在東華門外。二在西華門外。一在安河。

每廐設駕馬七十一匹。備太監騎用。遇蹕。圓明園則用安河廐馬。駕馬廐各附養駱駝。駐

十。各設官丁以任其廐事。設廐長十七人。廐副四十五人。牧長五人。廐副

牧副五人。廐丁三百五十人。管領下馬甲八十人。歲需黑豆。行戶部支取。穀草秣。楷燈油。行廣

儲司支取。銀兩採買。羊草。行奉宸院支取。每屆滿三月。由院清查各廐殘傷倒缺之數。具奏一

次。凡

御馬必馴其性。選入則以

聞。每年冬春。派侍衛八人。騎試各廐。御馬有不馴者。汰入駕馬羣。如內廐。御馬內馬缺。以外廐

御馬內馬補。外廐御馬內馬缺。於駕馬羣內選其駿而良者。奏補。餘馬缺則調

以足額。仗馬及祭神馬缺。行取大凌河牧場良馬充補。駕車馬缺。以駕馬充補。

駕馬及備差馬缺。行各牧場撥補。駕車騾缺。行戶部轉行兩翼監督買補。小馬缺。行崇文門買

補。牧羣孳生馬駒內。每歲以二百匹。交場兵騎馴。挑選備選。

○凡馬駝皆烙以印。挑補馬駝用圓印。退出者用方印。隨時補烙。病

則療之。馬駝病令看視能醫治者方行施療。馬殘廢者交左右翼監督變價。御馬及

皇子花馬報倒者瘞埋。定馬駝出青之數。馬

之。餘馬駝交皮於武備院。廐每年立夏後酌定應留之數。餘俱出青於張家口外。附養之駝以五十隻出青於商都達布

遜諾爾牧場。九月十五日回廐。派侍衛司官各一人點驗後具奏補行印烙。

○設牧場於

盛京曰大凌河。大凌河坐落錦縣界外牧場一處。東至張良堡。西至杏山。南至海。北

至黃山堡。東西寬八十里。南北長四十里。又坐落廣寧縣界甄臺子牧場一處。東至茫漲湖。西

至四方臺。南至甜水井。北至無梁。於邊牆外曰

商都達布遜諾爾。商都達布遜諾爾牧場在獨石口外之北。東至錫喇西寶

台。與鑲黃旗察哈爾游牧為界。西至察罕齊老圖。與正黃旗察哈爾游牧為界。南至昂古里諾

爾額爾吉圖。與正黃旗牧牛場為界。北至烏蘭諾爾。與蘇尼特右翼旗游牧為界。東西寬一百

九十里。南北長二百七十里。曰達里岡愛。達里岡愛牧場在

北。東至袞鄂都爾。與喀爾喀車臣汗部落左翼後旗游牧為界。西至扎木額古德都木達呼都

克。與蘇尼特左翼旗游牧為界。南至額欽碧流圖。與阿巴噶右翼旗游牧為界。北至錫巴爾圖

鄂格什。與喀爾喀車臣汗部落中末右旗。游牧為界。東西寬三百里。南北長四百里。場各

轄以總管。大凌河一人。係錦州副都統兼管。商都達布遜諾爾一人。係察哈爾都統

兼小總管。商都達布遜諾爾一人。翼領。大凌河二人。達里岡愛一人。商都達

布遜諾爾五人。若牧官牧丁。各視其羣數而設

之。以任其牧事。大凌河騾馬羣二十。驢馬羣十。每羣設牧長一人。副牧長一人。

牧副一人。騾馬每羣牧丁十五人。驢馬每羣牧

丁二人。商都達布遜諾爾騾馬羣百十有一。驢

馬羣四十有一。驢駝羣十有七。達里岡愛騾馬

羣七十有四。騾駝羣四十有八。附養烏梁海騾

馬羣四。走馬羣一。驢馬羣一。每羣設牧長一人。

牧副一人。騾馬騾駝。每羣牧丁七人。驢馬驢駝

每羣牧丁八人。馬每羣自四百匹至

五百匹有差。駝每羣無過三百隻。設防禦率

其屬而司偵捕。商都達布遜諾爾牧羣。設防禦

三人。驢騎校二人。護軍校十有

二人。護軍三百四十名。以二百八十名兼充牧

丁。以六十名專司緝捕。達里岡愛牧羣。設防禦

一人。驢騎校一人。護軍校三人。護軍一百名。凡

以四十名兼充牧丁。以六十名專司緝捕。

考牧。大凌河之場。五馬三歲而生二駒。商都達

布遜諾爾之場。三馬三歲而生一駒。達里岡愛

之場亦如之。駝羣五駝六年而生二駒。驢駝羣

斃者歲無過十之一。屆時則均齊。大凌河商都達布遜諾爾

達里岡愛。烏梁海馬羣。每三年均查一次。達里岡愛駝羣。每六年均查一次。俱奏派大臣侍衛親臨查驗。以其孳生倒斃實數入奏。仍以前後均查之年比較。別其等第。羸絀各與

以賞罰焉。大凌河騾馬羣。每三年內五馬孳生二駒。如額外多孳生一百六十匹以

上者列為頭等賞。給牧長皮端罩一件。緞面羊皮袍一件。頭等牛一隻。牧副緞面羊皮袍一件。頭等牛一隻。毛青布十疋。孳生八十匹以上者列為二等賞。給牧長緞面羊皮袍一件。頭等牛

一隻。毛青布十疋。牧副二等牛一隻。毛青布十疋。多孳生一匹以上者列為三等賞。給牧長二等牛一隻。毛青布十疋。牧副二等牛一隻。如額內少孳生一百一匹以上者列為頭等罪。牧長罰俸九個月。牧副鞭六十。少孳生五十一匹以上者列為二等罪。牧長罰俸六個月。牧副鞭五十。少孳生一匹至十匹者列為三等罪。牧長罰俸三個月。牧副鞭四十。驢馬羣。每年百匹內倒斃一匹至四匹者列為頭等賞。給牧長蟒緞鑲領袖袍一件。官緞一疋。牧副雜緞鑲領袖袍一件。毛青布十疋。倒斃五匹至八匹者列為二等賞。給牧長官緞一疋。牧副毛青布十疋。倒斃九匹至十二匹者免議。倒斃十七匹以上者列為頭等罪。牧長罰俸一年。牧副鞭八十。倒斃十三

匹至十六匹者列為二等罪。牧長罰俸六個月。牧副鞭四十。羣內缺少原額馬數者。牧長罰俸一年。牧副鞭八十。掌關防總管翼領等。除騎馬駝羣不議賞罰外。騾馬駝羣內於額外多孳生五百匹者定為一分。多孳生一二分者存案。多孳生三分者照分加級。如於應孳生額內缺少不至二百匹者免議。缺少二百匹者定為一分。該總管翼領等各罰俸六個月。缺少二分者罰俸一年。缺少三分者降一級留任。四分以上者革職。每年一百匹內殘傷五匹以上者。著落翼領。牧長牧副賠補。凡加級之總管翼領。如係內務府佐領管領下人員。移咨內務府。係八旗人員。移咨該旗兵部。其降級罰俸之總管翼領。移咨戶兵二部辦理。應賞之緞袍布疋。移咨廣儲

司。牛隻移咨慶豐司領取。應罰俸之牧長。由總管行盛京戶部。應治罪之牧副。由總管辦理。商都達布遜諾爾達里岡愛騾馬羣。每三年內三馬孳生一駒。如額外多孳生一百六十匹以上者列為頭等賞。給牧長毛青布六十疋。牧副毛青布四十疋。多孳生八十一匹以上者列為二等賞。給牧長毛青布四十疋。牧副毛青布二十疋。多孳生一匹至八十匹者列為三等賞。給牧長毛青布二十疋。牧副毛青布十疋。如額內少孳生一百匹以上者列為頭等罪。牧長牧副各鞭六十。少孳生五十一匹至一百匹者列為二等罪。牧長牧副各鞭四十。騎馬羣。每年每百匹准其倒斃十三匹。如止倒斃四匹者。給以頭等賞。倒斃五匹以上至八匹者。給以二等賞。倒

斃九匹至十三匹者免議。倒斃十四匹以上者治以二等罪。倒斃十七匹以上者治以頭等罪。所有三等賞罰俱照騾馬羣之例辦理。其倒斃馬匹著落牧長牧副牧丁等分賠。羣內缺少原額馬數者。牧長牧副鞭八十。管羣翼領等計其各管馬羣數目不拘多寡共折作十二羣。如賞罰均者免議。七羣八羣應得賞者賞給翼領鑲袖緞面羊皮袍一件。毛青布十疋。九羣十羣應得賞者賞給翼領皮端單一件。毛青布二十疋。十一羣十二羣應得賞者賞給翼領皮端單一件。緞面羊皮袍一件。毛青布二十疋。如有七羣八羣應治罪者翼領罰俸半年。九羣十羣應治罪者翼領罰俸一年。十一羣十二羣應治罪者翼領各降一級留任。委署翼領亦照翼領按羣

合計定等。其應議賞罰之處照騾馬羣牧長例給賞鞭責。達里岡愛騾駝羣每六年內五駝孳生二駒。如額外多孳生二十一隻以上者列為頭等賞。十一隻至二十隻者列為二等賞。一隻至十隻者列為三等賞。如於應孳生額內少孳生二十一隻以上者治以頭等罪。十一隻至二十隻者治以二等罪。一隻至十隻者治以三等罪。其翼領牧長牧副應行賞罰之處俱照馬羣例辦理。高都達布遜諾爾駟駝羣每年每百隻准其倒斃十隻。如一年內倒斃一隻至三隻者列為頭等賞。給牧長毛青布六十疋。牧副毛青布四十疋。倒斃四隻至六隻者列為二等賞。給牧長毛青布三十疋。牧副毛青布二十疋。倒斃七隻至十隻者免議。倒斃十三隻以上者治以

頭等罪。牧長鞭一百。牧副鞭八十。所有倒斃駝隻著落賠補。管羣翼領等應得賞罰。悉照馬羣例辦理。所有賞給翼領牧長等緞袍布疋。俱移咨廣儲司領取。應鞭責之牧副。交總管發落。總管小總管應行賞罰。俱照大凌河馬羣例辦理。

○凡馬斃則入其皮。

大凌河馬皮。由山海關監督送交武備院。商都達布

遜諾爾達里岡愛馬駝皮。由張家口監督送交武備院。各該總管造冊報院察覈。

堂主事二人。委署主事一人。

掌章奏文移之事。

左司郎中一人。員外郎二人。主事一人。委署主

事一人。

掌均齊賞罰。

右司員外郎二人。主事一人。委署主事一人。

掌俸餉芻豆。

凡本院所屬官員及內外各廐官兵。牧羣掌關防總管應得俸餉。如

係八旗人。移咨該旗照例行給。如係內務府人。呈明照例行給。大凌河牧羣官兵俸餉。每年春秋二季。由總管咨行。盛京戶部支領。商都達布遜諾爾牧羣官兵俸餉。每年春秋二季。達里

岡愛牧羣官兵俸餉。每年春季一次。由各該總管造冊送司。移咨戶部支領。御馬內馬。每匹日給黑豆一升五合。米二升。麥麩四升。草十四斤。備班御馬。日給黑豆一升四合三勺。米八合一勺。麥麩四升。草九斤。仗馬。日給黑豆二合一勺五抄。米四合五抄。麥麩四升。草十一斤。小馬。日給黑豆一升五合。麥麩四升。草八斤。駕馬。日給黑豆二升。麥麩四升。草十一斤。駕車騾。日給黑豆二升。麥麩四升。草九斤。駝。日給黑豆三升。草十一斤。廐養老馬。日給黑豆三合。米六合五勺。麥麩二升。草四斤十兩。駝驛。日給黑豆一升五合。草五斤八兩。

侍衛二十有一人。

掌侍直騎試

御馬。

○凡閱馬於廐於羣。則率其長若副而供令。

司鞍長三人。副司鞍長二人。司鞍五人。司轡二

十人。

皇子司鞍司轡。

皇子司鞍各二人。司轡各二人。

掌服駕。

司鞍司轡皆以額魯特。

筆帖式二十有二人。

掌繙譯。

醫長蒙古三人。副醫長蒙古二人。醫師蒙古十

五人。移八旗癩醫六人。以廐丁牧獸醫漢十六

人。移禮部轉飭

掌治馬駝之疾。由院行所司支取藥物。諸醫受

銷。



